

REGLUR

um breytingu (13) á reglum fyrir Háskóla Íslands nr. 458/2000.

1. gr.

Sjöunda málsgrein 43. gr. reglnanna breytist og verður svohljóðandi:

Dómnefnd er enn fremur skylt að hafa til hliðsjónar framgangsreglur Háskóla Íslands, nr. 863/2001. Við nýráðningu skal þó ekki gera kröfu um lágmarksstig fyrir kennslu, sbr. 4. gr. áðurnefndra framgangsreglna. Dómnefnd er heimilt að hafa til hliðsjónar þau gögn sem kunna að vera til um umsækjendur í vörslum háskólans og snerta starfshæfni og vinnu-framlag.

2. gr.

Reglur þessar, sem háskólaráð hefur sett á grundvelli laga um Háskóla Íslands nr. 41/1999, öðlast þegar gildi.

Háskóla Íslands, 17. október 2002.

Páll Skúlason.

Þórður Kristinsson.

24. október 2002

Nr. 759

SAMÞYKKT

um notkun og hreinsun rotþróa í Skorradalshreppi.

1. gr.

Fráveituvatn frá sérhverri húseign í Skorradalshreppi skal leiða gegnum rotþró. Hönnun, stærð og staðsetning rotþróar er háð samþykki heilbrigðisnefndar.

2. gr.

Hverja rotþró skal hreinsa og tæma eftir þörfum, þó eigi sjaldnar en á 3 ára fresti.

3. gr.

Hreinsun fer fram á vegum Skorradalshrepps eða rotþróareiganda og skal heilbrigðisnefnd hafa eftirlit með framkvæmd hennar. Heilbrigðisnefnd skal kynnt verktilhögun og annað sem skiptir máli til að tryggja að góður árangur náist.

4. gr.

Fyrir hreinsun og tæmingu á rotþró sem sveitarfélagið lætur annast, skal húseigandi greiða árlegt rotþróargjald og skal það standa undir kostnaði við verkið. Gjald þetta skal ákveðið með sérstakri gjaldskrá í samræmi við ákvæði 25. gr. laga nr. 7/1998 um hollustu-hætti og mengunarvarnir sem sveitarstjórn setur og lætur birta í B-deild Stjórnartíðinda.

5. gr.

Rotþróargjald hvers árs fellur í gjalddaga 15. febrúar og skal innheimt á sama hátt og fasteignagjöld til sveitarsjóðs Skorradalshrepps.

Heimilt er að innheimta aukagjald af þeim húseignum þar sem um óvenjumikinn kostnað er að ræða við hreinsun og tæmingu eða þegar um sérstaka rotþró við útihús er að ræða. Gjald þetta má þó aldrei vera hærra en svo að nemi sannanlegum kostnaði við verkið.

6. gr.

Með mál vegna brota gegn samþykkt þessari fer skv. VI. kafla laga nr. 7/1998 um hollustuhætti og mengunarvarnir.

7. gr.

Framangreind samþykkt sveitarstjórnar Skorradalshrepps er hér með staðfest skv. 25. gr. laga nr. 7/1998 um hollustuhætti og mengunarvarnir til að öðlast þegar gildi.

Umhverfissráðuneytinu, 24. október 2002.

F. h. r.

Ingimar Sigurðsson.

Sigurbjörg Sæmundsdóttir.

AUGLÝSING

**um breytingu á deiliskipulagi „Ásland 2. áfangi“
vegna legu Ásbrautar, Hafnarfirði.**

Bæjarstjórn Hafnarfjarðar samþykkti á fundi sínum þann 9. apríl 2002 breytingu á deiliskipulagi „Ásland 2. áfangi“ vegna legu Ásbrautar í Hafnarfirði.

Breytingin varðar legu Ásbrautar frá Goðatorgi að Kaldársselsvegi, skipulagsmörk breytast og jafnframt eru stígar aðlagðir að þeim breytingum.

Farið var með tillöguna samkv. 1. mgr. 26. gr. skipulags- og byggingarlaga nr. 73/1997 með síðari breytingum og hún yfirfarin af Skipulagsstofnun.

Breytingin öðlast þegar gildi.

F.h. Hafnarfjarðarbæjar, 24. október 2002.

Lilja Grétarsdóttir arkitekt.

AUGLÝSING

um deiliskipulag hátæknigarðs í Urriðaholti í Garðabæ.

Bæjarstjórn Garðabæjar hefur samþykkt tillögu að deiliskipulagi fyrir hátæknigarð í Urriðaholti sunnan við Reykjanesbraut í Garðabæ.

Í deiliskipulaginu felst m.a. að afmarkað er svæði fyrir 1. áfanga hátæknigarðs þar sem gerð er grein fyrir aðkomu og meginhugmynd að uppbyggingu og notkun svæðisins. Jafnframt var gerð breyting á aðalskipulagi Garðabæjar.

Deiliskipulagið hefur hlotið meðferð samkvæmt 25. gr. skipulags- og byggingarlaga nr. 73/1997 með síðari breytingum.

Deiliskipulagið öðlast gildi við birtingu þessarar auglýsingar.

F.h. Garðabæjar, 22. október 2002.

Bergljót S. Einarsdóttir skipulagsfulltrúi.